

Aningaasaqarnermut Ataatsimiititaliap suliaq nr. 01.31.06/08-00361 pillugu pingasunngornermi 6. juni 2008-mi aalajangiinera pillugu Naalakkersuisunut ilisimatitsineq.

(Naalakkersuisut siulittaasuata ulloq 31. juli 2008-mi aalajangiinerani imm. 3.)

Nuummi GU-p allineqarnerani imm. 2-p pilersarusiorneqarnissaanut aningaasaliissutit

Naalakkersuisut **inassutigaat**,

- kontomi pingaarnermi 80.00.00 Sanaartornissamut atugassat agguanneqanngitsut, aningaasaliissutit 2.000.000 koruuninik ikilineqassasut

- kontomi pingaarnermi 84.40.12 Ilinniartitaanermut sanaartukkat, suliassamut nr. 060.52.043 Nuummi GU-p allilerneqarnera, imm. 2, aningaasaliissutit 2.000.000 koruuninik amerlineqassasut.

Aningaasaqarnermut Ataatsimiititaliap oqaaseqaatai

Nuummi GU-p 2008-2011-mi allilerneqarnissaata immikkoortuata aappaanut pingajuanullu 2008-mi aningaasanut inatsimmi aningaasanik immikkoortitsisoqarsimavoq. Allilerinerup immikkoortuata aappaata pilersarusiorneqarnissaa siunertaralugu aningaasat ilaasa atugassiissutigineqarnissaat suliami matumani Naalakkersuisut qinnutigaat.

Tassunga ataatillugu sanaartornerup immikkoortuata siulliup aningaasaqarnikkut taamatullu sanaartornerup tungaanit aqunneqarnera 2007-imi ilassutitut aningaasaliissutininut inatsimmut isumaliutissiissummini ataatsimiititaliap sakkortuumik uparuaaffigigaa Aningaasaqarnermut Ataatsimiititaliamit eqqaasitsissutigineqassaaq. Ataatsimiititaliamit ilaatigut oqaatigineqarpoq sanaartornerup immikkoortua siulleq kingusippallaartukkat aallartinneqartoq, soorluttaaq aningaasanut inatsimmi aningaasaliissutigineqartut iluini sanaartornerup ingerlanneqarnissaata (ingerlanneqartussaaneratalu) taamani Kultureqarnermut, Ilinniartitaanermut, Ilisimatusarnermut Ilageeqarnermullu Pisortaqarfiusumut erseqqissaatiginissaa ataatsimiititaliap pisariaqartissimagaa. Tamanna tunngavigalugu sanaartornerup immikkoortuata siulliup suliarineqartarnera pillugu paasissutissanik pissarsisinneqarnissani ataatsimiititaliap kissaatigaa:

A) Sanaartornerup immikkoortuata siulliup naammassineqarnissaanut ulluliussaq ullumikkut naatsorsuutigineqartoq paasissutissiissutigineqassasoq kissaatigineqarpoq.

B) Tamatuma saniatigut 2008-mi aningaasanut inatsimmi aningaasaliissutigineqartut iluini sanaartorneq naammassineqassanersoq paasissutissiissutigineqassasoq kissaatigineqarpoq.

C) Kiisalu aningaasat qinnuteqaammi matumani pineqartut ilaasa sanaartornerup immikkoortuata siulliup naammassineqarnissaanut atorineqannginnissaat uppernarsarneqassasoq kissaatigineqarpoq.

Aningaasaqarnermut Ataatsimiititaliap aalajangiinera

Siuliani allassimasutut paasinnineq tunngaviutillugu Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput**. Tamatuma peqatigisaanik allakkat uku nassiunneqarnerannit sapaatit akunnerisa pingasut iluini apeqqutininut siuliani allassimasunut akissutip tiguneqarnissaa ataatsimiititaliamit qinnutigineqassaaq. Naalakkersuisut akissuteqaataat kalaallisut danskisullu nassiuteqquneqarpoq elektroniskimillu nuutinnera uunga nassiuteqquneqarluni: nch@gh.gl

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua